

Ugovorne strane:

Ministarstvo unutrašnjih poslova Kantona Sarajevo, ulica La Benevolencije broj 16, Sarajevo, koje zastupa ministar Admir Katica (u daljem tekstu: Kupac) i

"Papilon" d.o.o. Sarajevo, ulica Ferde Hauptmana broj 7, ID broj: 4200752360000, kojeg zastupa direktor Zeljković Ridžalović Dalila, (u daljem tekstu: Prodavac)

zaključili su:

UGOVOR
o nabavci potopnih pumpi za potrebe
Ministarstva unutrašnjih poslova Kantona Sarajevo

Član 1.

Predmet ugovora je nabavka tri potopne pumpe za potrebe Ministarstva unutrašnjih poslova Kantona Sarajevo.

Nabavka je izvršena putem direktnog sporazuma na osnovu Odluke o pokretanju postupka broj: 04-1-11-4-6153-1/25 od 22.09.2025. godine, ponude Prodavca broj: 476/25 i predračuna broj: 277/25 od 24.09.2025. godine koji čine sastavni dio ovog Ugovora.

Član 2.

Ukupna vrijednost nabavke za robu iz člana 1. ovog Ugovora iznosi 717,00 KM bez PDV-a (sedamstotinasedamnaest i 00/100 KM).

Član 3.

Rok isporuke je 7 (sedam) dana od dana obostranog potpisivanja ugovora.

Prodavac se obavezuje da će isporuku izvršiti u skladu sa tehničkim karakteristikama za robu koja je predmet nabavke i da će odmah postupiti po eventualnim primjedbama u pogledu nedostataka na ime kvaliteta isporučene robe.

Kupac je dužan dostaviti pismeno obavještenje o svakom propustu Prodavca.

Kupac će utvrditi razuman rok za ispravku propusta Prodavca u smislu isporučene robe.

Garantni rok za isporučenu robu – prema deklaraciji proizvođača.

Član 4.

Plaćanje se vrši u roku od 30 (trideset) dana nakon isporuke i ispostavljanja fakture.

Član 5.

Ukoliko poslije zaključenja ovog Ugovora nastupe okolnosti više sile koje dovedu do ometanja ili onemogućavanja izvršenja obaveza definisanih ugovorom, rokovi izvršenja obaveza će se produžiti za vrijeme trajanja više sile.

Viša sila podrazumijeva ekstremne i vanredne događaje koji se ne mogu predvidjeti, koji su se dogodili bez volje i uticaja strana u ugovoru i koji nisu mogli biti spriječeni od strane pogodene višom silom.

Višom silom mogu se smatrati poplave, zemljotresi, požari, politička zbivanja, imperativne odluke vlasti, bolest i slično.

Strana u ugovoru koja je pogođena višom silom, odmah će u pisanoj formi obavijestiti drugu stranu o nastanku nepredviđenih okolnosti uz prilaganje odgovarajućih dokaza.

RJEŠAVANJE SPOROVA

Član 6.

Ugovorene strane su saglasne da sva, eventualno sporna pitanja rješavaju dogovorom, štiteći obostrane interese. U slučaju nemogućnosti zajedničkog rješenja, eventualno nastalog spora, ugovorne strane priznaju nadležnost suda u Sarajevu.

ZAVRŠNE ODREDBE

Član 7.

Ovaj Ugovor je sačinjen u četiri istovjetna primjerka, od kojih po dva zadržava svaka ugovorna strana.

Član 8.

Ugovor stupa na snagu danom potpisivanja ovlaštenih predstavnika i traje do realizacije ugovorene isporuke.

PRODAVAC:

"PAPILON" d.o.o. Sarajevo



Direktor, Zeljko Ridžalović Dalila

Datum: 29.09.2025

Broj: 33/09/2025

KUPAC:
MINISTARSTVO UNUTRAŠNJIH POSLOVA
KANTONA SARAJEVO



ministar, Admir Katica

Datum: 24.09.2025. godine

Broj: 04-1-11-4-6153-1/25